

# Toelatingsbeleid van Hoërskool Parel Vallei

Aanvaar deur die Beheerliggaam ingevolge Artikel 5(5) van die Suid-Afrikaanse Skolewet no. 84 van 1996

## 1. Interpretasie

Tensy die konteks anders aandui, beteken, in hierdie beleidsdokument:-

- |      |                       |  |
|------|-----------------------|--|
| 1.1. | die Wet               | die Suid-Afrikaanse Skolewet no 84 van 1996 (soos gewysig);  |
| 1.2. | Opvoeder              | enige persoon, uitsluitend 'n persoon wat aangestel is om uitsluitlik buite-kurrikulêre pligte uit te voer, wat leerders by die Skool leer, onderrig of afrig en wat deur die Beheerliggaam van die Skool of die WKOD aangestel is;  |
| 1.3. | Voederarea            | Slegs leerders wat binne die gebied wat deur die Wes-Kaapse Onderwysdepartement beskryf word as "Metropool-Oos" sal oorweeg word. Voorkeur sal gegee word aan leerders wat binne die volgende gebied woon: vanaf Kirkiastraat in die noorde, langs 'n oostelike roete wat die Somerset-Wes hoofweg volg, tot by die "Old Bridge". Van daar, in 'n noord-oostelike rigting wat die Lourensivier volg, tot by die Vergelegenheid. Vanaf daardie punt, al langs die munisipale grenslyn wat die voorheuwels van die Helderberg volg tot en insluitend Bel'aire. (Voorkeur sal gebaseer wees op die toelatingsinligting wat ons van die leerder se huidige skool ontvang.) |
| 1.4. | Finansiële verligting | Finansiële verligting soos in paragraaf 6 uiteengesit.   |
| 1.5. | Leerder               | enige persoon wat onderrig ontvang of verplig is om onderrig te ontvang ooreenkomstig die Wet;   |
| 1.6. | Ouer:                 |  |
|      | 1.6.1.                | die biologiese of aangenome ouer(s) van 'n leerder;  |
|      | 1.6.2.                | die persoon wat wettiglik geregtig is op die voogdyskap oor 'n leerder;  |
|      | 1.6.3.                | die wettige voog(de) van 'n leerder;   |
|      | 1.6.4.                | 'n persoon wat onderneem om die verpligtinge te vervul van 'n persoon waarna verwys word in paragrawe 1.6.1, 1.6.2 en 1.6.3 teenoor die Leerder se opvoeding by die skool;   |
| 1.7. | die Skool             | die Hoërskool Parel Vallei.  |

## 2. Dokumentasie wat benodig word vir die toelating van 'n leerder

- 2.1. Beide ouers moet die aansoekvorm volledig invul en beide biologiese ouers moet die aansoekvorm om toelating van 'n leerder teken op die vorm wat van tyd tot tyd deur die Skool voorgeskryf word. Die aansoekvorm, tesame met die bykomende dokumente, soos beskryf in subparagraaf 2.2 hieronder, moet by die skool afgelewer word teen die datum wat deur die Skool geadverteer sal word. Voorkeur sal gegee word aan aansoekers wie se aansoeke volledig voltooi is en betyds ingelewer is.
- 2.2. Wanneer 'n ouer aansoek doen om toelating van 'n leerder, moet die ouer die volgende toon:
- |       |  |
|-------|--|
| 2.2.1 | 'n gesertifiseerde afskrif van die amptelike volledige geboortesertifikaat of 'n gesertifiseerde afskrif van die leerder se identiteitsdokument; |
| 2.2.2 | 'n gesertifiseerde afskrif van beide ouers se identiteitsdokumente;  |
| 2.2.3 | bewys dat die leerder teen die volgende aansteeklike siektes ingeënt is, naamlik polio, masels, tuberkulose, difterie, tetanus en Hepatitis B;   |
| 2.2.4 | 'n afskrif van die jongste rapport uitgereik deur die vorige skool of ander soortgelyke dokumentasie van die vorige skool;                       |
| 2.2.5 | volmag, wat na behore deur die ouer uitgevoer is, waarby die vorige skool/skole magtiging verleen word om inligting oor die Leerder te verskaf;  |

- 2.2.6 die skool se volledig ingevulde en ondertekende aansoekvorm – onderteken deur beide ouers, of in die geval van 'n enkelouer, sodanige ouer, en die leerder;
  - 2.2.7 bewese dokumentasie bevattende die fisiese residensiële adres (slegs munisipale of elektrisiteitsrekening) en;
  - 2.2.8 sodanige addisionele dokumentasie soos wat van tyd tot tyd voorgeskryf word deur die skool.
- 2.3. 'n Ouer sal die reg hê om tesame met die aansoek, sodanige addisionele dokumentasie in te dien wat sal aantoon dat instemming met die toelatingskriteria hieronder beskryf, getoon word.

### **3. Getal Leerders**

- 3.1 'n Leerder-onderwyser-verhouding van 33:1 (Grade 8 en 9) en 30:1 (Grade 10 – 12) sal gehandhaaf word.
- 3.2 Die skool sal in 2018 'n maksimum van 260 leerders in graad 8 toelaat.

### **4. Toelatingskriteria**

- 4.1. Voorkeur sal aan Leerders gegee word wat:
  - 4.1.1. die grootste deelname in die akademie en sport- of kultuuraktiwiteite aangebied het in die skool wat vantevore deur hulle bygewoon is;
  - 4.1.2. gebaseer op hul vorige deelname en prestasie in akademie en sport- of kultuuraktiwiteite, aantoon dat hulle die meeste bevoordeel sal word deur die vakke, aktiwiteite en fasiliteite wat by Parel Vallei aangebied word;
  - 4.1.3. die hoogste akademiese potensiaal toon;
  - 4.1.4. 'n goeie dissiplinêre rekord het;
  - 4.1.5. in die voedersone woon;
  - 4.1.6. broers/susters in die skool het in die jaar van toelating.
- 4.2. In die geval dat, na die toepassing van die kriteria waarna in subparagraaf 4.1 verwys word, kandidate gelyk is, sal voorkeur verleen word aan leerders wat voorheen benadeel is as gevolg van onregverdig diskriminasie in die verlede.

### **5. Appèl**

Die leerder of die ouer van 'n leerder mag appèlleer teen die besluit om toelating te weier by 'n lid van die Uitvoerende Raad ingevolge Seksie 5(9) van die Wet.

### **6. Finansiële verligting**

- 6.1 Ouers sal aan die nodige kriteria moet voldoen vir die toestaan van finansiële verligting.
- 6.2 Indien die skool sekere voorwaardes instel vir die toestaan van finansiële verligting, sal die ouer en leerder(s) betrokke deur sodanige voorwaardes gebind wees.
- 6.3 Finansiële verligting sal onmiddellik opgeskort word indien een of meer van die volgende voorkom:
  - 6.3.1 Die ouers voldoen nie meer aan die vereistes vir die toestaan van finansiële verligting nie;
  - 6.3.2 Die ouers en leerders betrokke, weier om enige van die voorwaardes deur die skool beveel/voorgeskryf na te kom.